

ԵՐԵՎԱՆԻ ՆԱՀԱՆԳԻ ՄԱՍՆԱՏԻՐԱԿԱՆ ԳՅՈՒՂԱՑԻՆԵՐԻ
ՐՆԱՀԱՐԿՆ ԸՍՏ 1870 Թ. ԿԱՆՈՆԱԴՐՈՒԹՅԱՆ

Ս. Խ. ԱԼԵՔՍԱՆՅԱՆ

Մանրամասնորեն քննելով Անդրկովկասի «մահմեդական բարձր դասի, նաև հայ մելիքների հողերի վրա բնակվող պետական շինականների հողային կարողավորման մասին» 1870 թ. մայիսի 14-ի Կանոնադրության՝ գյուղացիների պարտավորություններին վերաբերող հոդվածները, հետադոտողները ցույց են տվել, որ դրանք բնույթով (այսինքն՝ ֆեոդալական հողային ռենտայի հայտնի ձևերի պահպանման իմաստով) փաստորեն նույնական էին 1846 թ. դեկտեմբերի 6-ի ցարական ռենտայի տիպի ոգով կազմված 1847—1851 թթ. Կանոնադրությունների սկզբունքներին, այլ կերպ ասած՝ ռեֆորմի բովանդակություն չունենին:

Սակայն, անցնելով գյուղացիների պարտավորությունների կոնկրետ չափերին վերաբերող այդ օրենքի պահանջներին, հետադոտողները դրանք ինչպես հարկն է չեն համեմատել այլ առիթներով իրենց իսկ քննած 1847—1851 թթ. Կանոնադրությունների համապատասխան հոդվածների հետ, որոնք սահմանում էին շինական պարտույթները՝ Անդրկովկասի տարբեր նահանգներում: Այդ պատճառով դժվար է նրանց անվերապահ պնդումներից հստակ ու որոշակի պատկերացում ստանալ այն մասին, թե իսկապե՞ս կային էական տարբերություններ Երևանի և հարևան նահանգների մասնատիրական գյուղացիների ընդհանուր հարկաչափերի միջև:

1870 թ. մայիսի 14-ի Կանոնադրության¹ 72-րդ հոդվածը հօգուտ հողատերերի սահմանում էր բնապարտույթ (մալխազաթ կամ բահրա) և, բացի այդ, դրամապարտույթ՝ բանվորական օրերի փոխարեն ժայն կալվածներում, ուր մինչ այդ հողատերերին բանող ձեռքեր են տրամադրված եղել: 76-րդ հոդվածով մալխազաթը Բաքվի, Գանձակի նահանգներում և Թիֆլիսի նահանգի մի մասում կազմում էր գյուղացու բերքի 3/30-ը, իսկ Երևանի նահանգի բեկամուլքադարական կալվածքներում՝ 4/30-ը: Այստեղից հետադոտողները եզրակացրել են, որ Երևանի նահանգում գյուղացիների «նատուրալ պարհակը կալվածատերերին բարձր եղավ» (Վ. Ռշտունի) կամ «բարձր պիտի մնար» (Խ. Ավդալբեգյան) մյուս նահանգների բնապարտույթից 1/30-ով կամ 33%-ով ու դրա հետ մեկտեղ «հայկական և ադրբեջանական մարզերի շինականները» պարտավորված էին մնում դրամավճարի վերածված աշխատանքային պարհակով²:

¹ «Полное собрание законов Российской империи», т. XLV, № 48357, стр. 630—646

² Վ. Ռշտունի, Ուղագծեր Հայաստանի գյուղացիության պատմության, մաս Բ, Երեվան, 1968, էջ 72, Խ. Ավդալբեգյան, Հողային հարցը Արևելյան Հայաստանում (1801—1917 թթ.), Երևան, 1959, էջ 262:

Եթե, հետևելով այս հետազոտողներին, շանհնք անհրաժեշտ վերապահու-
թյուն, ասյու կստացվի որ հարկաչափի ոչ այնքան փոքր այդ տարբերությամբ
Երևանի նահանգի Քարաձոր դասի» համար ստեղծված էր արտոնյալ վիճակ՝
մյուս նահանգների կալվածատիրության նկատմամբ: Այդ դեպքում անհաս-
կանալի կմնա, թե հողային հարաբերությունների կարգավորման կարևոր
խնդրում ի՞նչը կարող էր կառավարությանը մղել առանձին բարյացակամու-
թյան՝ Երևանի նահանգի հողատերերի հանդեպ:

Մեր կարծիքով, սակայն, կանոնադրական ձևակերպումը չէր օրինակա-
նացնում այդքան որոշակի տարբերություն: Այդպիսին դժվար է գտնել նաև
1847—1851 թթ. Կանոնադրություններում, եթե նկատի ունենանք, որ ռենտա-
յի երեք հայտնի ձևերով կատարվող վճարումները, նայած պայմաններին,
ընդհանուր հարկի մեջ հանդես էին գալիս տարբեր համամասնություններով:

1870 թ. Կանոնադրության 72-րդ և 76-րդ հոդվածներում մալա-
հաթ-բահրան և դրամապարտույթը որպես առանձին հարկատեսակներ ձևա-
կերպված են ոչ թե բոլորովին ինքնուրույն, զուգահեռ սահմանումներով, ինչ-
պես թվում է առաջին հայացքից, այլ պայմանավորում են միմյանց: Ակնհայտ
է դրամապարտույթի առթիվ այնտեղ արված վերապահումը՝ բանվորական
օրերի փոխարեն ռան կալվածներում, ուր մինչ այդ հողատերերին բանող
ձեռքեր են տրամադրված եղել: Հարց է առաջանում. իսկ ինչ՞ով էր հատուց-
վում այդ պարտավորությունը այն կալվածներում, որոնց տերերին մինչ այդ
բանող ձեռքեր տրամադրված չեն եղել՝ հենց նույն Երևանի նահանգում, ուր,
ինչպես հայտնի է, ոչ բոլոր հողատերերն էին զբաղվում արտադրությամբ ու
բանող ձեռքի կարիք ունեին: Մի՞թե նրանց կալվածքներում բնակվող գյուղա-
ցիներն ազատ էին ինչ-որ հարկատեսակից և նրանց վճարած ռենտայի գու-
մարը ինչ-որ չափով փոքր էր մյուսների վճարածից: Նույնիսկ գրական ենթա-
դրությունն այդ մասին կհանգեցնեի քննվող ժամանակաշրջանի իրականու-
թյան ոչ ճիշտ ընկալման:

Տեսականորեն նույնպես սխալ կլինեի կարծել, թե առանձին կալվածքնե-
րում գյուղացիների հարկային վճարումներն ինչ-որ չափով կարող էին պա-
կաս մնալ տվյալ նահանգի նույնատիպ կալվածքների համար սահմանված հո-
ղատուրքի ընդհանուր գումարի համեմատությամբ, եթե հողատերերն առաջին-
ներում չցանկանային անմիջապես արտադրությամբ զբաղվել և բանվորական
ձեռքի կարիք չունենային:

1870 թ. Կանոնադրության՝ շինական պարտույթներին վերաբերող կետե-
րը մեկնաբանելիս հետազոտողների մոտ ակներև անորոշության տեղիք է
տվել նատուրալ պարհակի 1/30-րդ «հավելումը», որ շնորհված էր հողա-
տերերին դեռևս գեներալ Պասկևիչի կողմից 1829 թ.: Դրա էության մասին
ստորև համառոտակի կխոսենք: Իսկ այժմ նշենք, որ հիշյալ Կանոնադրու-
թյուններով մալահաթի կամ բահրայի վրա հաստատված այդ «հավելումը»
ոչ այլ ինչ էր, եթե ոչ ընդունված համարժեքը միևնույն բանվորական օրերի
պարհակի, որն այս շրջանի պաշտոնական գրություններից հայտնի է նաև
«շինականների անձնական ծառայություններ» անունով: Երևանի նահանգում
այն վճարվում էր բնատուրքով (փոքր բացառություններով)՝ միացած բա-
րային ($3/30 + 1/30 = 4/30$), որքանով որ հողատերերի մեծ մասը այստեղ սե-
փական տնտեսություն չէր վարում և բանվորական ձեռքի կարիք չունեի: Վերո-

հիշյալ մյուս նահանգներում այն գանձվում էր մալախաթից առանձին, որպես բանվորական օրերի պարհակ և մեզ հետաքրքրող շրջանում վերածված էր դրամապարտույթի։ Սրան իր հերթին համամասնորեն կարող էր փոխարինել բնապարտույթը՝ միանալով բահրային, ինչպես Երևանի նահանգում։ Բայց այդ դեպքում մալախաթը չէր կարող ավելին լինել գյուղացու տարեկան բերքի 1/8-ից՝ Բաքվի և Գանձակի նահանգներում և 1/9-ից՝ Ղազախի գավառում (հոգված 78)։ Այլ կերպ ասած, դրամապարտույթի վերածված բանվորական օրերի պարհակը հավասարեցվում էր բնատուրքի 1/30-ին, որի հավելումով այստեղի բահրան շատ աննշան չափով էր տարբերվելու Երևանի նահանգի բահրայից։ Այսպիսի եզրակացության համար փաստական ապացույց կարող են դիտվել նաև Երևանի նահանգի այն թիուլա-մուլքադարական կալվածքներին վերաբերող տվյալները, որոնց տերերը բնավճարի հետ միասին օգտվում էին աշխատանքային պարհակից։ Իհարկե, տվյալ դեպքում նկատի ունենալով խնդրի իրավական կողմը՝ վերանալով հողատերերի ապօրինի գանձումների ու շարաշահումների հայտնի փաստից, որն այդ շրջանի պաշտոնական գրություններում կամ մեղմացվում, կամ էլ, ավելի հաճախ, մեկնաբանվում էր ի վնաս գյուղացիների։

Էջմիածնի վանքը, որպես թիուլատեր-մուլքադար, Վաղարշապատ, Օշական, Մաստարա և Եղվարդ գյուղերի հողային եկամուտներից ստանում էր բահրամալախաթ բերքի 3/30-ի և թիուլապարտույթ՝ նույնպես 3/30-ի չափով, այգիների յուրաքանչյուր սոմարից՝ 1 ա. 20 կ., բոստանների սոմարից՝ 80 կ. և դրամահարկ՝ ծխից 4 ա. 25 կ.։ Այս բոլորից բացի նա օգտվում էր նաև շինականների անձնական ծառայություններից։ Հարկերի այս չափերով էլ 1870—1880-ական թվականներին նախատեսվում էր «կարգավորել» նրա և գյուղացիների հարաբերությունները։

Համադրելով 1870 թ. Կանոնագրության և եկեղեցու կալվածքների վրա այն տարածելու մասին՝ Կովկասի փոխարքայի գլխավոր վարչության շինական գործերի կարգավորման գրասենյակի կազմած նախագծի (1875 թ. սեպտեմբեր) կետերը, էջմիածնի սինոդն ու նրա գործերի հավատարմատար Վ. Եղիազարյանը գրանցում հակասություն տեսան այն իմաստով, որ վանքին տրվող բահրան ու թիուլային բնապարտույթը միասին կազմելու էին բերքի 6/30-ը, մինչդեռ 1870 թ. Կանոնագրության 76-րդ կետով միայն մալախաթ-բահրան սահմանվում էր բերքի 4/30-ի չափով։ Պաշտոնական կողմի հետ վեճ ծավալվեց, մեզ արդեն ծանոթ, բերքի 1/30-ի շուրջ։ Էջմիածինը փորձում էր հավաստիացնել, որ այն որպես թիուլի և ոչ թե մուլքի մի մաս վանքը կամուրջի ղեկավար է գյուղացիներին դեռևս Եփրեմ կաթողիկոսի օրոք՝ «ներանց վիճակը թեթևացնելու» նպատակով։ Ուրեմն, վանքի մուլքը բերքի 4/30 մասով անձեռնմխելի է, իսկ թիուլը մինչև այժմ 1/30-ով պակաս է գանձվել՝ նկատի ունենալով գյուղացիների անձնական ծառայությունները, որոնց նկատմամբ նույնպես վանքը լիակատար իրավունք ունի։ «Վանքն էջմիածնի,— գրում էր Վ. Եղիազարյանը,— ցանկալիվ թեթևացուցանել ղդրութին շինականաց, բնակելոց ի կալուածս իւր... վասն անձնական ծառայութեանց եթող յօգուտ նոցա գեռ ի ժամանակի պարսից կառավարութեան 1/30 մասն ի 3/30 մասանց բահրայէ այսինքն ի թիւլէ. զայս 1/30 մասն կազմողն ծրագրոյ զեղչեաց

առանց ամենալին հիման ի 4/30 մասն է մուլքի, որ շունի առնչութիւն ինչ ընդ թիւի³։

Որքանով որ այժմ թիւլապարտութի փոխհատուցման հարցն էր դրված, էջմիածնի սինոդը գտնում էր, որ այդ պակասը պետք է վերականգնվի, այլապես, վանքի եկամուտը 6/30-ով հաշվելու դեպքում, հարկամասի 1/30-ը նրանից անցնելու է արքունիքին։ «Զպետք է թույլ տալ,— գրում էր կաթողիկոսը ներքին գործերի մինիստրին 1886 թ. օգոստոսի 16-ին,— որ Կովկասում գյուղացիական բեֆորմի գործում կառավարութիւնը նպատակամղվի իր նյութական միջոցների հարցը լուծել մասնավոր մարդկանց և հաստատութիւնների հաշվին»⁴։

Իր պահանջը հիմնավորելու համար էջմիածնի սինոդը նախ մատնանշում էր վանքին Երևանի վերջին սարդարի շնորհած թիւլային բացառիկ իրավունքը, որով նա, մուլքից անկախ, ստանում էր ոչ միայն շորս գյուղերի պետական հարկաբաժինը (3/30) և ծխահարկը, այլև բանվորական օրերի պարհակը, որը թիւլային մյուս գյուղերում մնում էր սարդարին։ Ապա կաթողիկոսը և վանքի հավատարմատարը վկայակոչում էին մի մասնավոր դեպք Նոր Բայազետի գավառի Բջնի գյուղի մուլքադար-թիւլատեր Արսեն սուլթան Գեղամովի և գյուղացիների հարաբերութիւններից՝ կապված նույն այդ բնատուրքի 1/30 հավելման հետ։ Իսկ ի՞նչ էր տեղի ունեցել։

Բջնեցիները, որոնք պարտավորված էին բնատուրքով և աշխատանքային պարհակով, 1849 թ. բողոքել էին Գեղամովի դեմ՝ հարկաչափերը ապօրինի ավելացնելու առթիւ⁵։ Ուսումնասիրելով գործը, Երևանի նահանգական վարչութիւնը 1850 թ. հոկտեմբերին Գեղամովի կողմից «հողարդյունքի 7/30-ի (4/30 մուլքի և 3/30 թիւլի— Ս. Ա.), ծխահարկի 2 ռ. 50 կոպ., հարդի, ծղոտի, առվույտի, յուղի և պանրի, ինչպես նաև արոտատեղի դիմաց գանձումները» համարել էր ձիշտ և զբանակով ոչ ավելի, քան սահմանված են սովորութիւնով ու գանձվում են նման կալվածքներում մյուս թիւլատերերի կողմից», իսկ շինականների աշխատանքային պարհակների (փայտ կրելու, հողը վարելու, բերքը հավաքելու, հողատիրոջ տարբեր պետքերին բանվորներ, ծառաներ ու ձիեր տրամադրելու) վերաբերյալ վարչութիւնը զեկուցել էր նահանգապետին, որ «թիւլատերերի ու շինականների ներկայիս հարաբերութիւնների անորոշութիւնն պայմաններում... հիմք չկա հաստատելու, հավասարապես և ժխտելու թիւլատիրոջ՝ նման գանձումների իրավունքը»⁶ մինչև շինականների և հողատերերի հարաբերութիւնների մասին նոր Կանոնադրութիւն հաստատումը (որը տեղի ունեցավ 1851 թ. հունիսի 8-ին)։ Բայց մինչ այդ արդեն «Գեղամովը, համոզվելով նահանգապետի խրատներից» համաձայնվել էր բնատուրքի 7/30-ի փոխարեն գյուղացիներից վերցնել 6/30-ը՝ «զիջելով» նրանց 1/30-ը, ինչը և պաշտոնապես հաստատվեց վարչութիւն խորհրդի 1851 թ. մարտի 1-ի որոշմամբ։ Այդ որոշման վրա փոխարքան մակագրել էր.

³ ՀՍՍՀ կենտրոնական պետական պատմական արխիվ (ԿՊՊԱ), ֆ. 56, ց. 4, գ. 2727, թ. 61բ.

⁴ Նույն տեղում, թ. 141բ, 142.

⁵ «Крестьянское движение в Армении в XIX веке», сост. проф. В. Рштуни и при участии К. Степаняна, Ереван, 1948, стр. 46—76, 92—110 (док. 17—25, 41—53).

⁶ Նույն տեղում, էջ 73—74 (փաստ. 24)։

«Համաձայն եմ, բայց պայմանով, որ մինչև թիուլային իրավունքների հարցի ընդհանուր լուծումը, Գեղամովի առաջարկած թեթևացումները (խոսքը բնահարկի 1/30-ը «զիջելու» մասին է— Ս. Ա.) արդեն որպես հիմք ընդունվեն այն պարտավորությունների համար, որոնք նա իրավունք ունի պահանջելու»⁷։

Միամտություն կլիներ կարծել, թե այդ «թեթևացումը» կալվածատիրոջ ասեփական բարի կամեցողության» արդյունքն էր, ինչպես այն բնութագրված է վարչության խորհրդի որոշման մեջ։ Դա գյուղացիների աճող դժգոհության և անհնազանդության պայմաններում նույն այդ վարչության ու նրա աստիճանավորների թողտվության կատարվող ապօրինի գանձումները կարճելու ամենահամար հիմնավորումն էր։ Մեր կարծիքով՝ իրավացի էր Մ. Կուշակը հետագայում այդ փաստը մեկնաբանելով ոչ թե որպես բնատուրքի 1/30-ի անհատույց զիջում Գեղամովի կողմից, այլ որպես վերադարձ օրինական ճանաչված գանձումներին՝ աշխատանքային պարհակի ստացման իրավունքը պահպանելու նպատակով⁸։ Որ դա իսկապես այդպես էր, երևում է նաև այն փաստից, որ 1871 թ. Երևանի նահանգապետ Կարամալինի առաջարկով փոխարքան Տախալ համարելով նահանգում գործող թիուլային իրավունքից որևէ բացառության թույլատրումը, հրամայեց Գեղամովին վերադարձնել նրա զիջած բահրայի 1/30-ը և ԼՂՆԻ շինականներին ազատել թիուլային մյուս կալվածներում գոյություն չունեցող տարբեր տուրքերից ու անձնական ծառայություններից⁹։ Հարցի նման լուծումից դժգոհ՝ կալվածատերը հավանաբար հենց այդ նկատի ունեւ, երբ տարին հետո (1875 թ.) մեկ այլ առիթով, վերավերված գանգատավորի տոնով, գրում էր, թե «այժմ իմ գյուղերը կառավարելու գործում դադարել է իմ ազդեցությունը՝ շինականների հետ հարաբերությունների փոփոխման և բարի մարդկանց շնորհիվ, որոնք օգտվելով նախկին գեներալ-նահանգապետ Կարամալինի ուշադրությունից ու բարեհաճությունից, բնակիչներին սխալ բացատրեցին շինական Կանոնադրությունը»¹⁰։

Ուշագրավ է սակայն, որ էջմիածին-կալվածատերն ու նրա հավատարմատարը ճիշտ էին համարում փոխարքայի այդ կարգադրությունը։ Բայց բերելով Գեղամովի օրինակը, նրանք այնուհետև հավանաբար զգացին, որ դա անհաջող փաստարկ էր և հարցի լուծման համար պահանջեցին էական վերապահում, այն է՝ շինականների թիուլապարտությունն գումարելով բնատուրքի «զիջված» 1/30-ը, միաժամանակ պահպանել նրանց ծառայություններից օգտվելու վանքի իրավունքը։ Ինչո՞ւ, որովհետև Գեղամովի կողմից այդ երկուսի զուգահեռ գանձումը ապօրինի էր, իսկ էջմիածինը ունի իրավական հիմք դեռ սարդարի ժամանակներից։ «Բոլոր զանազանություններն յայտուհի երկուս դէպս,— գրում էր Վ. Նդիազարյանցը,— բովանդակի յայնում, զի Գեղամեանց զեզչեաց զ1/30 մասն բահրայի որպէս զի պահեսցէ ինքեան անկանոնաբար ստանալի զիրաւունս հարկաց, այնինչ իբրև վանքն էջմիածնի թույլատրեաց

⁷ Նույն սեղում, էջ 76 (փաստ. 76)։

⁸ ՀՍԽՀ ԼՊՊԱ, ֆ. 56, ց. 4, գ. 2727, Բ. 151բ—152։ Երբ քննվում էր եկեղեցու կալվածքների վրա 1870 թ. Կանոնադրության տարածման հարցը հայտնի պաշտոնական պատմարան-տնտեսաբան Մ. Կուշակը Կովկասի փոխարքայի գլխավոր վարչության շինական գործերի կարգավորման գրասենյակի պետն էր, Կովկասի քաղաքացիական մասի գլխավոր կառավարի խորհրդի աճամբ ներքին գործերի միսիստությունից։

⁹ Նույն տեղում։

¹⁰ «Крестьянское движение в Армении в XIX веке», стр. 238 (докум. 185)։

շինականաց գումանման լիցենզիան առեալ ի նկատի զանձնական ծառայութիւնս նոցա, որովք նա շահիր ի նոցանէ և շահի և այժմ ըստ իրաւանց»¹¹։

Զունենալով այդ իրավունքը վավերացնող որևէ փաստ, կովկասյան իշխանութիւնները մերժեցին էջմիածնին՝ առաջարկելով ընտրութիւն կատարել բնատուրքի 1/30-ի և յուրաքանչյուր շինական ծխի անձնական ծառայութեան դիմաց նշանակված 75 ռ. միջև։

Եթե ընդունենք, որ աշխատանքային պարհակի հավասար զանձման պայմաններում 1870 թ. Կանոնադրութեամբ Երևանի նահանգի բահրան 33%-ով բարձր էր հարևան նահանգների մալշահաթից, անբացատրելի կմնա, թե ինչու էր հակառակ բացառութիւն արվում էջմիածնի վանքի և կալվածատեր Գեղամովի նկատմամբ՝ հայրենի նահանգում։

Բնարկելով 1870 թ. Կանոնադրութեան 72 և 76-րդ կետերը, Վ. Ռշտունին դրել է. «էջմիածն, որ Երևանի նահանգի նատուրալ պարհակների չափը (4/30) կապ չունի տեղական սովորութի հետ, դրա 1/30 մասը ավելացված էր գեներալ Պասկևիչի կողմից, այդ հավելումը սրբագործվեց 1847—1851 թվականների կիսաճորտատիրական կանոնադրութիւններով և վերջնականապես պարտագրվեց Հայաստանի գյուղացիներին «ազատագրութեան» կապակցութեամբ, որով նրանց նատուրալ պարհակները կալվածատերերին 1/10-ով (այնտեղ է լինի 1/30-ով—Ս. Ա.) ավելի եղան հարևան նահանգների տուրքերի համեմատութեամբ»¹²։

Եթե խոսքը գյուղացու շահագործման աստիճանի մասին է, ապա 1/30 հարկաբաժինը նրա համար նոր հավելում չէր։ Դեռ սարդարի ժամանակ նա պարտավորված էր հարկի այդ մասով, որը մուլք-տասանորդի և բահրահանգորդի հետ նատուրալ պարհակի գումարը հասցնում էր բերքի 1/3-ին¹³։ Վ. Ռշտունին ինքն էլ է գրում, որ բահրաքյար (հետևաբար և բահրաքյար-մուլքադարական) գյուղացիների բնավճարը կազմում էր բերքի 1/3-ը¹⁴։ Բայց, որքան զիտենք, բնատուրքի այլ բաղկացուցիչ մասեր այս շրջանից հայտնի չեն։ Բերքի 1/30-ը (չիլաքը), որ սովորաբար իբրև վարձատրութիւն վճարվում էր հարկահավաք-սարքյարներին, սարդարի կարգադրութեամբ, ինչպես Ի. Շոպենին է նշում¹⁵, երբեմն կարող էր թողնվել մուլքադարին, որի հասույթը դրանով կազմում էր բերքի 4/30-ը։ Նույնը կատարվել էր Պասկևիչի ժամանակ։ «Կալվածատիրական հողի վրա բնակվող շինականներից ստացված հարկը,— գրում էր նա 1829 թ. մարտի 19-ին Հայկական մարզի վարչութեանը,— սարդարն ինքն էր հաշվում և տալիս էր կալվածատիրոջն հասանելիք մասը. պահպանելով այս կարգը, իմ կարգադրութեամբ հողատերերին ավելացված է ևս հարկի մի մաս գանձարանից»¹⁶։ Համաձայնելով Վ. Ռշտունու այն պնդմանը,

¹¹ ՀՄՍՀ ԿՊՊԱ, ֆ. 56. ց. 4, գ. 2727, թ. 62։

¹² Վ. Ռշտունի, նշվ. աշխ., էջ 72։

¹³ Ս. Մարկոսյան, Ազրաբային հարաբերութիւնները Արարատյան երկրում, Երևան, 1959, էջ 355—378։

¹⁴ В. Рштуин, Крестьянская реформа в Армении в 1870 г., Ереван, 1947, стр. 46. 50.

¹⁵ И. Шопен. Исторический памятник состояния Армянской области в эпоху ее присоединения к Российской империи, СПб., 1852, стр. 1131—1136.

¹⁶ «Акты, собранные Кавказскою археографическою комиссией» («Акты»), т. VII, Тифлис, 1878, стр. 494 (док. 448).

որ դա կազմում էր բերքի 1/30-ը¹⁷, ավելացնենք, որ դյուղացու վաստակի այդ բաժինը գանձարանից տրվում էր մուլքադարներին՝ սարքյարների պաշտոնը այդ տարիներին Վրիվ ոչնչացնելու և նրանց փոխարեն գյուղերի բնակիչներից մեկնումեկին ընտրելու կապակցությամբ¹⁸, Հետագայում հարկային սիստեմի փոփոխությունների առթիվ, սարքյարների պաշտոնը մերթ վերականգնվում էր (1833 թ. հունիս), մերթ վերացվում (1835 թ.)¹⁹, իսկ 1840 թ. «կառավարական հարկահավաքների վերացմամբ իրավունք տրվեց մուլքադարներին՝ շինականների հաշվին սարքյարներ պահելու»²⁰:

Նշենք նաև, որ 1847 թ. ապրիլի 20-ի բեգական և դեկտեմբերի 28-ի աղալարական Կանոնադրությունները չէին կարող Երևանի նահանգի բնապարհակի 1/30-րդ «հավելումը սրբագործել», քանի որ չէին տարածվում այդ նահանգի վրա, իսկ այն նահանգներում, որոնց համար դրանք կազմված էին՝ մալազաթը սահմանվում էր ոչ թե բերքի 4/30-ի, այլ 3/30-ի չափով՝ պահպանելով, սակայն, բանվորական օրերի պարհակը՝ հօգուտ հողատերերի: Ինչ վերաբերում է Երևանի նահանգի համար կազմված 1851 թ. հունիսի 8-ի Կանոնադրությանը (որը չկենսագործվեց), ապա նա իրոք մալազաթը սահմանում էր բերքի 4/30-ով, բայց չպահպանելով աշխատանքային պարհակի այն չափերը, որոնք նախատեսված էին 1847 թ. Կանոնադրություններով՝ հետագայում Բաքվի ու Գանձակի նահանգների և Թիֆլիսի նահանգի մի մասի մեջ մտած շրջանների բեգերի և աղալարների համար: Բեգական Կանոնադրությամբ գյուղացիական յուրաքանչյուր ընտանիք իր գործիքներով և անասուններով տարեկան 18 բանվորական օր էր տրամադրելու հողատիրոջը (կամ մեկ օրվա փոխարեն 20 կ.), տարվա մեջ 2 օր էլ ամբողջ գյուղը պետք է «օգներ նրան տնտեսական աշխատանքներում» (էվրեզ): Մինչդեռ 1851 թ. Կանոնադրությունը Երևանի նահանգի հողատերերի օգտին սահմանում էր աշխատանքային պարհակներ՝ 1847 թ. աղալարական Կանոնադրությամբ նշված չափով, այն է՝ շինական ընտանիքից տարեկան 8 բանվորական օր (կամ՝ օրվա դիմաց 10 կ.): Իսկ էվրեզից օգտվում էին այն աղալարները միայն, որոնք գյուղերի կառավարիչներ էին: Այլ աշխատանքների համար «ծառաներ» ստանալու հողատերերի իրավունքները երկու կանոնադրությամբ էլ նույնն էին²¹:

Ինչպես տեսնում ենք, Երևանի նահանգում աշխատանքային պարհակը փոքր էր մյուս նահանգների պարհակից ավելի քան կեսով, իսկ դրամավճար արտահայտությամբ՝ շուրջ 4,5 անգամ: Տարբերությունն ավելի մեծ կլինի, եթե նկատի ունենանք, որ այստեղ էվրեզը նույնպես լայն կիրառում չէր ունենա, որքանով որ, ինչպես նշում են բոլոր հետադոտողները, մուլքադարները իբրև կանոն ոչ միայն գյուղեր չէին կառավարում, այլև (առանձին բացառու-

17 В. Рштуни, Крестьянская реформа в Армении в 1870 г., стр. 68.

18 «Акты», т. VII, стр. 501 (док. 454).

19 И. Бахтадзе, Податное обложение государственных крестьян Закавказского края. («Свод материалов по изучению экономического быта государственных крестьян Закавказского края» («Свод материалов»), т. I, ч. III, Тифлис, 1887, стр. 74—75).

20 М. Кучаев, Поземельное устройство государственных крестьян, водворенных на владельческих землях в Закавказских губерниях («Свод материалов», т. I, ч. II, Тифлис, 1887, стр. 4—5).

21 Հմմտ. Կանոնադրությունների համապատասխան կետերը «Свод материалов», т. I, ч. II, Приложение, стр. 76—82.

թյուններով) սեփական տնտեսություններ էլ չէին վարում: Այս փաստը նույնպես, Երևանի նահանգի բնապարտույթի 1/30-րդ «հավելման» մասին խոսելիս, հուշում է մոռացության շտալ, որ մյուս նահանգներում այն «փոխհատուցվում» էր բանվորական օրվա պարհակով: Այդ երկուսի ճշգրիտ համարժեքությունը ցույց տվող կոնկրետ տվյալներ չկան, բայց, ըստ ամենայնի, այն ժամանակ ամենուրեք դրանք հավասարեցվում էին՝ ինչը և տեսանք Գեղամովին և էջմիածնի վանքին վճարվող հարկաշափերի որոշման օրինակով:

1870 թ. Կանոնադրությունը իրոք սրբագործեց 1847—1851 թթ. Կանոնադրություններով հաստատված շինական պարտույթների գանձման ֆեոդալական հայտնի ձևերը՝ բնավճարը, աշխատավճարն ու դրամավճարը: Բայց միշտ չէր լինի Երևանի նահանգի Կանոնադրությամբ հաստատված բնատուրքը անվերապահորեն ավելին համարել հարևան նահանգների նատուրալ պարհակից՝ առանց հաշվի առնելու, թե տարբեր նահանգներում շինականների ընդհանուր տուրքը ինչպե՞ս էր կոտորակվում և ի՞նչ միացությամբ վճարվում:

Ցարիզմի գաղութային քաղաքականության համար տվյալ դեպքում բնութագրականը ոչ թե արտոնության շնորհումն էր Երևանի նահանգի հողատերերին հարևան նահանգների կալվածատիրության նկատմամբ, որը թվացող է և անբացատրելի, այլ ընդհանրապես հասարակական արտադրությունից հեռու կանգնած այդ պորտաբուծներին վճարվող բերքահասույթի 1/30 հավելման պահպանումն ու օրինականացումը՝ մի դեպքում բնավճարի, մյուս դեպքում՝ դրան համարժեք բանվորական օրվա պարհակի կամ սրան փոխարինող դրամատուրքի ձևով:

НАТУРАЛЬНАЯ ПОДАТЬ ЧАСТНОВЛАДЕЛЬЧЕСКИХ КРЕСТЬЯН ЭРИВАНСКОЙ ГУБЕРНИИ ПО ПОЛОЖЕНИЮ 1870 г.

С. Х. АЛЕКСАНИЯ

Резюме

Сопоставление соответствующих статей Положений от 20 апреля 1847 г., 28 декабря 1847 г., 8 июня 1851 г. и 14 мая 1870 г. и новые архивные данные позволяют считать необоснованным утверждение о том, будто Положением от 14 мая 1870 г. натуральная подать частновладельческих крестьян Эриванской губернии превысила размер подати в соседних губерниях на 1/30 часть (или на 33%) урожая, с одновременным обложением крестьян трудовой повинностью (которая могла заменяться денежной оплатой). Эта разница проявлялась только в форме выплаты, точнее — в разных сочетаниях и пропорциях отдельных частей общей земельной ренты. При попустительстве и покровительстве властей землевладельцы произвольно облагали крестьян оброчными статьями и разными повинностями в повышенных размерах.